

Sakspapir

Saksnr	Utvalg	Type	Dato
051/21	Formannskapet	PS	06.05.2021
	Kommunestyret	PS	

Saksbehandler	Arkiv	ArkivsakID
Asbjørn Nagell Toft	FA-M50	21/277

Godkjenning av Forskrift om innsamling og handsaming av hushaldsavfall for NGIR-området

Vedlegg:

Forskrift om innsamling og handsaming av hushaldsavfall for NGIR-området - Høyringsutkast

Framlegg til vedtak:

Austrheim kommune godkjenner **Forskrift om innsamling og handsaming av hushaldsavfall for NGIR-området**. Grunngevinga for vedtaket er gjeve i saksutgreiinga. Denne forskrifta er heimla i LOV-1981-03-13-6 Lov om vern mot forureiningar og om avfall (forureiningslova) §§ 30, 31, 33, 34, 37, 48, 49, 50, 79, 83 og 85

Formannskapet - 051/21 - 06.05.2021

FS - behandling:

Avdelingsleiar plan Asbjørn Toft orienterte om saka.

Handsaming i formannskapet:

Samrøystes for rådmannens framlegg til vedtak.

FS vedtak:

Austrheim kommune godkjenner **Forskrift om innsamling og handsaming av hushaldsavfall for NGIR-området**. Grunngevinga for vedtaket er gjeve i saksutgreiinga. Denne forskrifta er heimla i LOV-1981-03-13-6 Lov om vern mot forureiningar og om avfall (forureiningslova) §§ 30, 31, 33, 34, 37, 48, 49, 50, 79, 83 og 85

Saksopplysninger:

Formannskapet vedtok den 18.03.2021 i sak 040/21 å senda **Forskrift om innsamling og handsaming av hushaldsavfall i NGIR-området** ut på høyring. Høyringsfrist vart sett til 19. april 2021. Det er ikkje

kome inn merknadar til framlegget. Det er vorte kunngjort på vanleg måte.

Gjeldande forskrift om innsamling av forbruksavfall for Austrheim kommune er ei felles forskrift for alle kommunane tilknytt Nordhordland og Gulen Interkommunale Renovasjonsselskap (NGIR), og vart vedteken av Austrheim kommune den 28.06.2020. Nyoppretta Alver kommune må vedta forskrift om slamtømming innan eitt år etter etablering. NGIR ser det då som mest hensiktsmessig å utarbeide ei ny forskrift gjeldande for heile NGIR-området. Administrasjonen i kommunane tilknytt NGIR har delteke i utforming av forskrifta. Framlegg til ny forskrift har vore på offentleg høyring i samsvar med forvaltningslova kap. VII. Endeleg politisk vedtak skal gjerast av kommunestyret. Ny forskrift om renovasjon skal vere gjeldande frå då kommunestyret i Austrheim gjer godkjenningsvedtak.

Forskrift om innsamling og handsaming av hushaldsavfall er ei lokal forskrift som omhandlar innsamling av hushaldsavfall frå bueiningar. Næringsavfall er ikkje inkludert i ordninga. Den som har næringsavfall, har sjølv ansvaret for at avfallet vert levert til godkjend mottak. Kommunen har etter lov om forureining og avfall (forureiningslova) §§29 og 30 ansvar for å ha anlegg for mottak og innsamling av hushaldsavfall. Kommunen kan etter same paragraf gje forskrift som er naudsynt for å få til ein hensiktsmessig innsamling og oppbevaring av avfallet.

Ny forskrift baserer seg på eksisterande forskrift, men systematiserer og klargjer tydelegare kva oppgåver NGIR og abonnent har. I tekst er det t.d. endra frå kommunen til NGIR der NGIR har ansvar for den praktiske gjennomføringa (td. plassering av behaldarar og handsaming av fritak frå ordninga). Dette for betre å synleggjere ovanfor abonnent kva som er delegert til NGIR, og vil ikkje medføre større endringar ut i frå dagens praksis. I tillegg vert det opna for at NGIR får større rom for å utarbeide retningslinjer, rettleiarar og informasjon til abonnentane. Døme er rettleiar til forskrifta og retningslinjer for tilkomstkomstveg som ligg vedlagt saksutgreiinga. Informasjon til abonnentane vil med dette bli betra, og kan enklare tilpassast endra behov eller nye tekniske løysingar.

Det er mest føremålsteneleg med ei lik forskrift for heile NGIR-området. Kvar enkelt kommune har lagt framlegget til forskrift ut på høyring . Etter at høyringsuttalar er evaluerte og eventuelt tekne omsyn til, vert forskrifta lagt fram til kvar enkelt kommune for godkjenning.

Vurdering:

Slik rådmannen ser at framlegget til forskrift om innsamling og handsaming av hushaldsavfall som no har vore på høyring i samsvar med med innarbeidd praksis. Samstundes er den meir fleksibel for gjennomføring ved endra behov / nye tekniske løysingar. Når ny forskrift er vedteke i kommunestyret vil den verte kunngjort i Norsk Lovtidende, og gjort tilgjengeleg på Lovdata.no. Rådmannen meiner at forskrifta er godt gjennomarbeidd og har vurdert den som god og framtidsretta.

Rådmannen rår til at Forskrift om innsamling og handsaming av hushaldsavfall i NGIR-området vert godkjent slik den ligg føre.

Konklusjon:

Austrheim kommune godkjenner Forskrift om innsamling og handsaming av hushaldsavfall for NGIR-

området.